

柘

耕

詩

集

五

宋柘耕文集卷五

駢蘭堂草

丁巳

戊午

送陳恕甫司教連城

國家恢仕塗，眾賢雜沓至。君今振長鞭，逝矣足追驥。所惜為儒官，大才且小試。辭辭弟子員，廣集執經誓。中有寶連城，琢之和氏器。宏贊作人風，上官奏卓異。霖雨遂以敷，四方暢其志。嗟我師道無，首宿齋虛置。折柳望汀洲，邈焉送君意。

黑天謠

羿射一鳥九鳥死一鳥傷足倒挂搏桑巔燭龍又蟄滄海底蟾蜍
蝕月桂愁圓魚世間光景盡伏沒但見空中盪出萬古之雲烟史
上黑青那有此一時盡壓縣門前何人叩閭乞借萬雷斧霹靂一
擊露青天自從祖龍毀封建破家令尹始有權百萬蒼生盡立覆
盆中繁冤啾唧三千年豈無星君暫一出爭奈地下魑魅紛周旋
上方更倚貴神力雙手能掩閭闔蹕上帝此時昧雙眼黑天謠罷

涕泗漣

丹陽魏樹人紅薇吟榭圖卷為吉甫題

北征我昔道雲陽欲渡江去歌慨慷滿目山川幾名士空令倚棹
思齊梁十年乃接雲陽客示我一圖擗葉庄大好溪山落袖裏曲
阿廸與柴門當紅薇一樹若無有但見練湖凝碧光淵注渟着語
應爾令人迴憶謝中郎卷圖對客坐太息何年遇汝雲陽旁青山

遍和六朝詠更訪茅君騎鳳凰

丹陽

卷五

丹陽吉少甫日持金剛準提諸經呪所至燒字
初至甫

命予為駢体文跋其祖石銀臺公閩中造士碑今告歸湖
州不可無詩以贈別

先公桃李盛當時連幕重逢庾杲之與我南來緣有在文章千載
託豐碑

慈悲隨地活窮鱗樂善如君復幾人銷盡世間文士孽素王蒼聖
得功臣

荔支風裡着征衣
盼到秋風怨式微
滿地干戈浮酒海
好布帆無恙且東歸

吳興山色眼雙青
此去茅窗盡不扃
想見天青魚鳥樂
簾花雨課金經

跋呂仙華經

金丹恍惚道家修
語入儒門例若讐
我獨愛看回處士
五千言後

駐青牛

非世界代升天行讀列子

天傾一漏補不止
丸走日月琉璃脆
結沫之地不堅牢
山皆冰山水弱水
麻姑昨說桑田大
半淪海中蜃氣空
虛暫城市世界可
憐泡幻形古云十
二萬年皆妄耳我
聞此語淚滂沱元
氣欲死嗟奈何當
時盤古勞勞施斧
鑿繼以草昧羣聖
肩相摩自亡禹鼎
神姦出天地始為
萬靈窠揆揆磨牙
吮人血浮陸亦有
蛟龍鼉女媧年老
腕力弱土搏人物
俱么屑魑魅魍魎
不能制安能手幹
造化莫

山河我欲飛書告天帝急遣千手眼出無委蛇却拄脚地維頂天柱
不然星辰閭闔漸恐隨崩波天帝方醉苦孽贖刑天蚩尤日堪怪
山移川徙五星沉乾坤惴惴刳灰壤我家安得藏入壺公壺繫
諸無極之野長懸挂不然當借世尊垂兜羅將此大地人物盡納
芥大千混混沌沌何所知是名世界非世界

游石室巖歌偕陳賡鷗司訓吳葆庸徵士涂海屏茂才作

虎巖萬石森虎齒一石神龍橋舌起上與蓮花一石根相近天生

辦纈何年始昔年辟支佛化身來開山一泉卓錫餘寒碧騎虎何
人見涅槃涅槃碑高塔千級塔尖倒挂龍舌及試行石頂根鴻濛
手倚青天撫樹立但見壺公南面五侯東披雲向我若長揖我笑
勸諸君一杓海水白可吸此時天風浩浩涼解醒長嘯聲聲落入
城城中叢叢一萬戶命脉繫此巖樹青我欲下山石別我諸君謂
石點頭頗君不見岳公湖開水制火破軍汝但低頭樹裡坐

吳徵士焚香省過圖

前藁

我生自信非聖賢萬事安免過為緣動不自知靜莫覺亦嘗欲
省心茫然徵君獨得一有法夜對一盞如告天莫來境寂非衾非
影神綿綿半生悔吝堪參易一味跏趺寧學禪大覺自生鐘未動
纖氛不着月長圓此中心畫若無畫黃黑豆姑指點焉我與徵君
作監史詩壇從事幾何年終除口過掃文字心學乞取辦香傳

夏蟲戲用陳少香四山詩韻

劍揮終不去日溷乃公為逐臭方云樂鑽空豈有知一心獵食地

萬死穴光時天與營營巧金軀暫潤脂

蠅

毒吻勢將逼紛紛門競投烟中行稍斂掌下死如求鬼域同乘夜
風霜不信秋碧紗幘縱隔伺隙尚啁啾

蚊

善動性多狡公麼能陸梁攻人循腹背磔汝少心腸繡被日流矢
油缸形炙簧有時嫁朋禍尋爾眇無鄉

蠶

翻飛付煨盡羽翼用何輕陰氣逼風雨熱中忘死生千秋兇燄鑒
一撲劫灰成誰全貪膏馥翻來怨短檠

蛾

連日觀黃仲則張亨甫詩慨然作

天地處才人萬分意有在墜落江湖始潔清不教生質化泥滓東
華十丈塵汲人何況蟲沙萬官海仲則目上視吐詞意薄滿雲霄

高無端三語已成緣天使魂墜華果山皋亨甫心飛揚橫益九州才

氣盛忽思拼擋作臂郎天使長安歌虞殞兩人作計窮寶非不
見淵明旦歸急歸一官躑躅徇由竇萬事倥傯牛繫轡寶玉縱
禁火裡煨天花豈許溷中飛上帝惜才愀不悅急追還校蓬山

錄祇今仕道更佯狂萬古名山無汚辱

廉頗墓次雨當軒韻

英雄末路困微文用趙心長李夕曛幾見武臣知服義堪憐天意
新收勲市文富貴羞前客戲兒戲生靈漲後軍四十萬人坑裡哭不
教坐走武安君

虛飄颻次蘇黃諸公韻

虛飄颻夜螢黏露慢春絮舞晴橋瀑過花隨溜風來雪落條飛

星避月沒高樹獨鶴橫雲翔遠霄虛飄搖此人漂泊性猶牢

題楊問堯參軍聽藹軒詩

古思詩人多入蜀青天萬里夢峨峩春風忽接錦城客夜月能歌
銅斗詞世有楊雄堪字問官如鮑照例才奇梅花一扇手中在願
播清芬無盡時

太白墓次黃仲則韻

我讀兩當詩神往太白墓采石山飛天外來一杯酹此千年慕鳴

呼天生公才醉死矣公死元氣亦俱死自從此地葬詩仙百代所
遺糟粕耳公從西極騎長離身挾星辰落筆奇天地悠悠入醉眼
雲霞滾滾呈瓊詞臨風唾涕那復惜珠玉散落繫人思泰山毫茫
尚千首離騷以還無此手天教八代洗膚詞為設人間萬斛酒晚
歲一卧謝公城騎鯨遂上青天青錦袍餘影悵猶昔應是玉皇召
狂客蛻處江山若有情詩天風月遂無色風月江山雙眼裏眼前
誰喚謫仙起醉魄重歌泛月游老龍定舞夜江水不然此景無此

公乾坤空着萬餘子公之舊游一拾遺性命苦念汨羅湍不解撼
樹成微之造物生公抑可疑龍性勤將六合礙鴻臚暉在千秋馳
杜陵子弟塞詩路能師公者更有誰兩當快語亦可樂開天至今
一高足天末如聞許執鞭一杯何必傍山麕

梁伯鸞

個儻念平生感時善長嘯居然吳亦偶然肯應漢王名籠落無所
施家貧志彌劬皇天賢相予內有孟德耀食糗賴綢繆始賓洽言笑

何須健婦糝荆布姿愈妙萬事天劑之此豐補彼約功名眩眼也
甯抵琴瑟調回首謝青雲千秋事尤要著書皋廡中自號運期曜

口號

災梨安得百金餘世上貧能累著讀書數種欲成甘棄去市千秋將伯
事何如

讀近人詩八首

一自坡仙返帝鄉風騷四代墜茫茫千年山谷詩孫在且把齊駟